



Մ. Ս. ԳՈՐԲԱՆՈՎԻ ԾՆՈՐՀԱԿԱԼԱԿԱՆ ՆԱՄԱԿԸ

ԽՍՀՄ համայնավար կուսակցության գլխավոր քարտուղար և ԽՍՀՄ Գերագույն խորհրդի նախագահության նախագահ Մ. Ս. Գորբաչովը շնորհակալական նամակ է հղել Եկեղեցիների Համաշխարհային Խորհրդի գլխավոր քարտուղար Էմիլիո Կաստրոյին և Եվրոպական Եկեղեցիների Համաժողովի գլխավոր քարտուղար Ժան Ֆիշերին Հայաստանում տեղի ունեցած աղետալի երկրաշարժի առիթով ցուցաբերած քրիստոնեական և մարդասիրական վերաբերմունքի համար։

ԵԿԵՂԵՑԻՆԵՐԻ ՀԱՄԱԾԽԱՐՀԱՅԻՆ ԽՈՐՀՐԴԻ ԳԼԽԱՎՈՐ ՔԱՐՏՈՒՂԱՐ
ՊՐՆ. ԷՄԻԼԻՈ ԿԱՍՏՐՈ

ԵՎՐՈՊԱԿԱՆ ԵԿԵՂԵՑԻՆԵՐԻ ՀԱՄԱԺՈՂՈՎԻ ԳԼԽԱՎՈՐ ՔԱՐՏՈՒՂԱՐ
ՊՐՆ. ԺԱՆ ՖԻՇԵՐ

Ընդունեցեք խորին շնորհակալություն այն բանի համար, որ ԵՀԽ-ն և ԵԵՀ-ն, առաջնորդվելով եղբայրության, գթասրտության և վշտակցության զգացումներով, բանիվ և գործով արձագանքեցին հայ ժողովրդի ողբերգական աղետին։ Ձեր կոչով բազմաթիվ երկրների կրոնական կազմակերպություններ պատրաստակամություն հայտնեցին թեթևացնել աղետի ենթարկված մարդկանց տառապանքը, օգնել՝ կյանքի նորմալ պայմաններ վերականգնելու երկրաշարժի ենթարկված շրջաններում։ Հայաստանի վիշտը արձագանք գտավ մեր մոլորակի բոլոր մարդկանց սրտերում, հավատացյալ և ոչ հավատացյալ, և առիթ դարձավ մարդկային բարձրագույն զգացումների անմահադեպ պոռթկումին։

Այդպիսի բարեսիրական պոռթկումով հաստատվում է, որ ազգերի ճակատագիրը ընդհանուր է՝ անկախ գաղափարական, կրոնական և ուրիշ տարբերություններից մարդկանց միջև, որ նրանք պատրաստ են դիմագրավել տարերային աղետները և ուրիշ համընդհանուր վտանգներ։ Սրանով բացահայտվում է Նոր մտածողության որոշակի արտահայտությունը, ինչպես նաև աշխարհում տեղի ունեցող դրական փոփոխությունների համոզիչ վկայությունը։

Օգտվում եմ առիթից անձնապես իմ անունից արտահայտելու իմ համերաշխության զգացումը Ձեր՝ անհատական գործունեությանը և Ձեր գլխավորած Եկեղեցիների գործունեությանը՝ աշխարհի խաղաղության և մարդկանց երջանկության համար։

Մ. Ս. ԳՈՐԲԱՆՈՎ